



partii naleraq

Nuuk, 16. marts 2015

UPA 2015/82

Pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaata allanngortinneqarneranik Inatsisartut inatsisaat nr. x, xxx 2015-imeersoq.

(Akilerneqarfissatut killiliussap ilanngunneqarnera)

(Aningaasaqarnermut Aatsitassanullu Naalakkersuisoq)

Siullermeerneqarnera

Pisortanut akiitsut akilersinniarneqartarnerat pinaveersaartinneqarnissaallu pillugit inatsisartut inatsisaata allanngortinneqarneranik Inatsisartut inatsisissaata siullermeerneqarnera Partii Naleqqamiit naatsumik oqaaseqarfigissavarput.

Aallaqqaasiullugu Partii Naleqqamiit maluginiarparput inatsisissatut siunnersuut KANUKOKA-p Namminersorlutillu Oqartussat tusarniaasarneq pillugu isumaqatigiissutaat eqquutsinneqarsimanngitsoq pillugu kommuneqarfiit kattuffiat akissuteqarsimanngitsoq tusarniaanermi piffissaliunneqartoq sivikippallaaqimmat, taamatut aamma SIK-p tusarniaanermi piffissaliunneqartut eqqortuunngitsut oqaatigai.

Partii Naleqqamiit assut uggoraarput tusarniaaneq naatsumik oqaatigalugu sulisut sulinngiffeqarnerisa nalaani ingerlanneqarsimammat, taamaattumillu tusarniaanerusimagaluartoq suliamut tunngasumik akissuteqarfigineqarsimanani.

Taamaammat Inatsisip qulaani pineqartup allanngortinneqarnissaanut atuisut qanoq akissuteqarnissaat Partii Naleqqamiit kikkut tamat oqartussaaqataanerisa aqqani tusaqqaarumavarput suliamut oqaaseqavinnissarput pitinnagu.

Siunnersuutigissuarpullu Namminersorlutik Oqartussat susassaqtunik tusarniaasarneq pillugu isumaqatigiissutaat naapertorlugu susassaqtunik tusarniaaneq ingerlanneqaaqqaassasoq.

Anthon Frederiksen